



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 115. Statuta particularia hujus Sessionis.

[urn:nbn:de:hbz:466:1-66272](#)

secuta est Sessiones. Undecima Julii die, Sæcul. XV.
 quæ erat feria quinta, celebrata est Ses- A.C.1415.
 sio ordine decima sexta, in qua fere nihil
 speciali nota dignum agitabatur. Ve-
 rum appropinquante tempore, quo Impe-
 rator Niciam petiturus erat, quatuorde-
 cim nominantur Commissarii, tres Epis-
 copi, & undecim Doctores; inter quos et-
 iam erat Benedictus Gentianus, qui omnes
 Imperatorem comitarentur, suisque con-
 siliis juvarent. Ex ipsis autem præci-
 puus erat Archiepiscopus Turonensis;
 cunctis tamen dabatur plena potestas,
 juncto Imperatoris consilio, omnia ten-
 tandi, quæ ad persuadendam Benedicto
 XIII. abdicationem, & restituendam Ec-
 clesiæ pacem magis expedire judicassent.
 Porro nullus ex Cardinalibus Sigismundi
 comes designabatur; cum enim plerique
 ex diversis essent obedientiis, minus i-
 donei ad tale propositum feliciter exe-
 quendum, atque unionis negotium pro-
 movendum videbantur.

§. CXV.

Statuta particularia hujus Sessionis.

Expedita hac deputatione Synodus qua- *Ibid. p.151.*
 tuor nominabat Episcopos, quibus
 datum est negotium, Constantiam revo-
 carent Praelatos, & Curiæ Romanæ Of-
 ficiales clandestine, ac absque licentia
 inde

Sæcul. XV. inde recedentes. Quatuor etiam Nationum Præsides constituebantur, qui discere potentium caussas discuterent. Edicta quoque in Curia Romana expediri solita, deinceps Cardinalis Vivariensis nomine Concilii subscribere, ac signare jubebatur; item Prælatis pauperibus Constantiæ degentibus, sumptus ex ærario Pontificio suppeditari, decretum fuit. Tandem statutum, Gregorii XII. cessionis, & Joannis XXIII. repositionis acta Cæsari descripta traderentur, ut iisdem Niciaë exhibitis, Benedictum ad æmolorum suorum imitationem inducere posset.

§. CXVI.

Bulla contra Carolum de Dueil & Henricum de Turre.

Post hæc Bertholdus de Wildungen legit Bullam Concilii ad Parisiensem, Metensem, Tullensem, & Leonensem Episcopos directam, quæ data fuit ob atroc facinus contra Carcassonensem, & Ebroicensem Antistites commissum, item contra tres Doctores, nempe Guilielmum de Merla Sylvanectensem Decanum, Benedictum Gentianum, & Jacobum de Spais Medicinæ Doctorem. Hos iussu Concilii ad Gallorum aulam ex negotio profectos, duo Nobiles Carolus de Dueil, & Henricus de Turre in Ducatu Barenzi adorti

Ibid. p. 152.